

山川 形勝

自山海著經歎瀆並誌兩關流峙華見簡篇嗣是禹別九州山川奠父尸倭綜其險阻裴秀列以輿圖他若郭璞傳經道元注水支分派衍量高測深作等列眉述堪指掌矣太行雄視寰宇高平環境皆山漳水丹河淵源自出匪止一邱一壑足供憑眺已也爾乃高峯四列中有平原上黨藩維實稱阨塞秦趙而後唐周以還幾作戰場猶存故壘惟此山川足名形勝方輿載考爰列志之

高平縣志 卷之五 山川

山

發鳩山縣西北五十里為邑祖山淮南子作發苞山山海經曰發鳩之山其上多柘木有鳥名精衛相傳炎帝少女游海溺死化為鳥常取西山木石以填海每夕常聞風雨聲明月不輟畢氏曰五鳩少昊臣元魏有五鳩墓按發鳩山踞邑西北其形甚遠凡邑之西北諸山名雖不同實皆發鳩前後左右之峯巒耳 一 鳩山暮雨八景之一

丹朱嶺縣北五十里接長子界舊志以堯封長子丹朱得名漢書曰長子周史辛甲所封潁師古注長讀長短之長今俗為長紉之長非也田氏曰丹林訛為丹嶺而朱

後人妄加耳

仙公山縣西北四十五里相傳張果老過此

傘蓋山縣西北四十五里舊志以形似名畢氏曰散宜蘇

取散宜氏今高平散蓋訛傘 按商蓋殷侯國周公勝

殷將攻商蓋辛甲曰難攻請先九禱而商蓋敗謂今高

平蓋州是然則傘蓋疑商蓋之訛耳

鳳頭山縣西北四十里卽發鳩山巔形如鳳頭屹立乾地

遙望縣城里人建元帝廟以障縣治之缺

釜 山縣西北三十里形如覆釜

五龍山縣西北三十里一名鳳翅山相傳慕容永時有五

高平縣志 山川

色雲見

走馬嶺縣西北十五里有鐵鑛

浩 山縣西四十里一名石朶山峰似花朶西南爲老馬

嶺接沁水縣界

壘峰山縣西四十里馬仙姑鍊形處有石榔

頭顧山縣西五里秦白起坑趙降卒四十萬唐元宗收頭

顧墓於此建廟有司春秋祀之 一統志頭顧山在高

平縣西南水經注秦坑趙衆收頭顧築臺於壘中因山

爲臺崔巍築起今仍號曰白起臺一統志又載獨躄山

引據寰宇記在高平縣西五里晉永嘉中劉聰舉兵積

屍為獨體山接今止一山積屍之說蓋附會耳

金峰山縣西郭三里有先月亭邑人多別業為游覽地

金峰夜月  
八景之一

空倉山縣西南四十五里秦白起詭運米置倉於此以給

趙括舊建巡檢司城

吾山縣西南四十五里接澤州境三峰聳翠夕照倍佳

卧佛山縣西南三十里山凹有萬月亭

懸壺山縣西南二十五里形似懸壺

游仙山縣南二十里金李游仙通敏讀書於此嘗破地得

古鐘聲徹山下數十里後年百歲終里人名里為游仙

### 高平縣志

### 卷之五

山川

三

坊山亦名游仙山

游仙曉鐘  
八景之一

龍從山縣東南二十里山形崆葱喬松摩雲相傳登巔可

望黃河

軒坊嶺縣東十里旱蝗祭於此

米山縣東十里趙將廉頗積米於此土人名大糧山

積雪八  
景之一

七佛山縣東七里高出群山左右環河

即東西  
長河

羊頭山縣東北四十里接長子界舊志云上有石狀如羊

頭田氏曰羊頭山在太行之北百五十里山最高俯視

太行猶在下也危峰插霄日夕諸山俱暝而此峯返照

猶光以地勢高山益高耳山東南相傳為炎帝陵石城  
尚在 按山麓遠數十村圍三大邑東北長治西北長  
子正南高平 羊頭夕照  
八景之一

龍王山縣東北三十五里上有石佛洞三教洞子孫洞鑿  
石為渠寒泉漱玉滙為溪流昔人每觴詠於上

舍利山縣東北二十五里

翠屏山縣東北二十五里層巒秀巘回互如屏

雲臺山縣東北二十里羊頭山之次產紅嘴鴉

蓮花山縣東北十里迴峰曲嶂中有石如蓮花

朗公山縣北三十里上建朗公廟朗公倉頡也路史謂史

高平縣志 卷之五 山川

皇神農後神農已作穗書書與穗相因起

石室山縣北三十里土人作石室且常見五色雲晡散相

傳有寶氣 石室朝霞  
八景之一

牛心山縣北三十里產石温潤可硯

韓王山縣北十五里山形特起上平地數畝俯瞰群山如

培塿然相傳秦圍韓王於此縣治藉托之至山也

水

丹水源出丹朱嶺西麓 丹朱即發  
鳩山脊 在縣西北五十里水東

北流又屈而東南會絕水又南行二十餘里繞縣城北

又東南流注於丹谷入鳳臺縣界 山海經曰沁水之

東有林焉名曰丹林丹水出焉即斯水矣此丹水水經

注水出上黨高都縣故城東北阜下俗謂之源源水也

理志曰高都縣有莞谷丹水所出東南入絕水是也此丹

水下流按此於丹水源流未明司昌  
齡有說見後 丹水秋波八景之一

絕水源出縣西北四十五里傘蓋山在仙公  
山南又名浮雲河

水東南流經傘蓋靖居兩村約八九里會丹水東南流

繞縣城又南流合泣水 水經注絕水出泣氏縣西北

揚谷地理志曰揚谷絕水所出東南流左會長平水源

縣西北又東南遶泣氏縣故城北又東南與泣水會俗

云秦軍築絕不令趙飲故云

高平縣志 卷之五 山川 五

泣水源出縣西北三十里五龍山合縣西二十里原村之

原潔泉東南流經許庄又名許河至縣東南合丹水

水經注泣水導源泣氏縣西北元谷又東南經泣氏故

城南東會絕水亂流東南入高都縣右會丹水會下流  
之丹水

司昌齡丹水源流說

丹水之源其說不一愚以謂出發鳩山者為正發鳩

邑西北祖山其形甚遠而丹朱嶺則山之脊也其水

之南流者為丹北流者為漳丹朱嶺南一峰東峙名

曰鳳頭一峰南迤名曰仙公仙公之北鳳頭之西深

澗有泉土石及沙皆作赭色說者謂即丹水之源行

十餘里至北趙莊西而丹嶺石磧之水北來與之合其流漸大又南行三里許至掘山西北卽與絕水合矣故或謂源出丹朱嶺或謂源出仙公山要之皆發鳩耳由是西南行而抱長平驛經王報村繞臨丹舖南下至省冤谷口忽折而東環縣城東北隅又南行二十餘里至河西鎮東南而與泫水會焉於是三水合流又東南至成公村入鳳臺界此丹水之源流在高平境內者然也其在鳳臺境內者則堯谷之丹水也在今高都鎮一名源源水一名源澤水一名源漳水出自東北之可寒山西合泫水又南合白水入硤

高平縣志

卷之五

山川

六

石山中曲折行百餘里出太行山口而隋因以丹川名縣此丹水之源流在鳳臺境內者然也或疑高平之丹水源出丹朱嶺其流微鳳臺之丹水源出可寒山其流盛本非一脉然源出丹嶺之水實注於高都之堯谷會同爲一故丹之名不易焉而堯谷亦名丹谷蓋在高平境者丹水之上流也在鳳臺境者丹水之下流也前人渾言丹水而不辨其有上下流之分言源出丹嶺者則不下及夫高都之堯谷而言堯谷之丹水者又不上溯夫出發鳩之自始舉其一截遺其一截均之未悉乎丹水之全形也夫發鳩爲邑之

龍山而丹亦爲邑之圭水故特考其源流本末而爲之說若其既出太行合沁水入黃河又有小丹河通漕運則別見前人圖記茲不具詳

按丹水出丹朱嶺西麓絕水出傘蓋山泚水出五龍山丹水自源東北流又屈而東注至掘山村西會絕水由是而南行至省窻谷口在縣北五里許又折而東流繞縣城北至城東北隅又南流至河西鎮東南泚水注焉又東南行經杜村南入鳳臺縣界此現在之源流也他書所載紛紛互異惟培蔭李君丹水源流說爲是但篇中所云經傘蓋靖居兩村則是以絕水爲丹

高平縣志

卷之五

山川

七

一水而絕水則竟無矣夫以爲竟無絕水彼水經注所言丹水又曲而東注左會絕水暨地理志所稱絕水東南流左會長平水俱無着落因携素經行之士更親陟發鳩之巔見此山綿亘西北其形甚遠丹朱嶺西南一峯名仙公分一支斜東南下卽所謂鳳頭山鳩山寺一帶也陽有一泉東南流卽絕水北有一泉覺南泉更帶赭色水向東北流又曲而東行經河坡草方二村由小會溝出自源約十數里至掘山西會南泉之絕水於是恍然曰是卽丹水之源也以此爲丹源不惟與水經注合且絕水西南小山有泉類瀑

布東南流與絕水會蓋卽長平水也是又與地理志相符卽揆之靜山司公之源流說亦不相逕庭故不揣愚昧盍指此爲丹水之源畧錄他書與現在之稍符者一二條以發明之其是與否姑存其說以俟請  
質於博聞者

長平水在縣西北水經注長平水出長平縣西北小山東南流逕其縣故城泣氏之長平亭也

長河源出縣東北四十里羊頭山西南分流入丹水河渠一迤邐環帶縈紆而北佛山界其中故有東西長河之別  
春夏漲溢冬涸

高平縣志

卷之五

山川

八

天王池在縣城集賢橋西水族不生

今涸

淵靈泉在七佛山下禱雨多應宋賜號淵靈

定林泉在米山定林寺山穴湧泉似噴珠飛玉可池可軒

舍利泉在舍利山下一泓澄然汲之不涸

玉女泉在韓王山玉女祠土人禱雨於此

金龍泉在縣北二十里團池村相傳二魚時躍於泉遇雨

卽飛去今名蓮花池

原潔泉在原村周四丈深一丈五尺極清甘冬溫夏涼

濟濟池在縣西五里醴醴村濟濟本在懷慶鄉民於此建

廟三月十八日祀



五龍池在五龍山下禱雨多應

玉泉谷在縣西南三十里石壁嶙峋下有清泉仄巖曲徑

林木幽異

鴉兒溝在丹朱嶺南宋慶元間通志作金明昌間老人張勝者多

善行家溝之南麓日夕羣鴉集屋驅之不去子孫繁衍

因名其溝

### 形勝

左帶翠屏右阻倉嶺游仙朝其南羊頭鎮其北舊志

秦晉唇齒河朔咽喉題名記

四面皆山中有平地方輿勝覽

## 高平縣志 卷之五 形勝

九

太行險固東洛藩垣舊志

層山環抱曲水縈流砦堡皆險阻之區高平悉耕鑿之地

舊志

### 古蹟

古人不作往蹟易湮變幻無端風流有盡舊時燕子來

非王謝之堂此日秋風吹豈漢唐之樹然而羲皇雖邈

陵谷未遷峴首碑存每教人民墮淚柱頭鶴返還歌城

郭依然豈惟臺峙通天表呈沈炯妓荒銅雀賦愴陸機

凡此山川每稱古昔摩娑斷碣歲月可稽零落殘基代

人未泯毋云陳迹足深吊古之思苟想遺踪應著信今

之錄志古蹟

神農城在縣北四十里羊頭山田氏嘉穀按寰宇記曰神農嘗五穀之所上有神農城下有神農泉後魏風土記云神農城在羊頭山其下有神農泉山上有古城遺址神農井在古城下六十步有二泉左泉自右泉清側有井所謂神農井也

五穀畦在神農泉下地名井字坪有田可種相傳神農得嘉穀於此始教播種謂之五穀畦焉羊頭山拒黍出此明鄭藩朱載堉上拒黍辨云臣謹按拒黍律家特重羊頭山者神農播五穀以是爲名區

高平縣志

卷之五

古蹟

泣氏故城在縣西二十里竹書紀年晉烈公元年趙獻子城泣氏後魏析置高平今王報村猶稱舊縣

趙鄆城括地志趙鄆故城一名都尉城今名趙東城在縣西二十五里又有故穀城王齒攻趙陷趙軍取二鄆四尉此二城卽二鄆也

都向二城吳州圖云在今縣西三十五里秦据西城趙守東城

省寬谷自起坑趙軍處在長平驛以南王報義庄等村舊名殺谷唐志明皇幸潞更名金皇統元年邑令王庭直有省寬谷掩骼記城西北十五里有地口殺谷乃秦將

白起坑趙卒之所細視其跡於長原竹間存劍漆矢一  
入骨寸餘因出矢而拏之

棄甲院在縣北墊頭王庄等地趙降軍棄甲處農人掘地  
多見髑髏人骨及銅製戈頭箭頭蓋趙軍所棄也李賀  
長平箭頭歌漆灰骨末丹水砂淒淒古血生銅花

長平亭後漢志泚氏有長平亭

羊頭城魏志泚氏有羊頭城

王叔和藥碾在王寺村今土壑石碾俱存

高平城北魏志永安中置高平縣治高平城

周世宗戰場在縣南三里橫澗橋外周世宗敗北漢王劉

高平縣志 卷之五 古蹟

旻於此 俗名  
輪場

高華府在縣東四十五里即建寧鎮唐高宗開府於此開

元初廢按唐高華府在晉州乃居府兵之地澤州五府

丹川永固安平沁水白澗皆不名高華當由高都誤傳

舊志云今其地近建寧者猶稱府下蓋亦有所自

蓋州故城在縣東十里即今米山鎮唐武德初置天寶間

廢

唐武少儀移丹河記碑在縣治儀門外 記見  
藝文

宋文廟孔子畫像碑在學宮元祐三年奉議郎權知高平

縣事史持記並書立石按記云吳道子畫孔子為魯司

冠像二本乘車而祥弟子從者謂之圖立而顏淵侍者謂之小影司門郎中王伯瑜傳小影於仙源孔氏蓋孔子四十七代孫襲封衍聖公蒙之所藏也刻棣州學中高平建學做州像摹於廟壁古今聖像獨此爲真

靜居院在靜居村宋西京致仕張郎中故宅有四堂羹心會徵清白金蘭韓魏公琦嘗題詩寄美

賈魯宅在縣西三十里今長平驛楊村宅材悉取治驛亭矣

益國鐵冶在縣西十里王降村元大德年置至正中廢明洪武初徙冶縣北二十里永樂中勘合罷爐冶事今址

高平縣志

卷之五

古蹟

十一

存

九鶯圖在縣治儀門內明呂紀取君子九思之義繪九鶯而爲圖邑令李楨得之立說勒石以爲後之考鏡今并附焉說云昔箕子演洪範九疇至五事之思曰思曰睿睿作聖故後言聖功之本者莫大乎思孔子曰君子有九思天分九野地封九州人列九行九之時義大矣哉思以九則身心之道備身心之道備而天下之能事畢矣故後言體三才之撰者亦莫大乎九思馳其心於無何有之鄉者不知思者也役其心於無可奈何之衝者不能思者也形聲象貌皆理可觀動植飛潛皆思所寓

而况於人乎况於聖乎余嘗弄丸餘暇得九鷲圖而玩之或邱而視或側而聽或潔白而色或竦立而躬或翼趨而進或戛然而鳴或翔審而集或奮棘而驚或既宿而食泛清流而暢其情此何爲而作也信可以佐圖書而右箴銘大傳曰天下何思何慮孟子曰心之官則思君子觀象而近思焉則卽思可以畫卦轉達可以造輪一物一事適心之用三才之理得而其於九鷲圖之說誠思過半矣

勞勞亭在喬村驛南界牌嶺鳳高兩縣接境處萬歷初縣令李楨建歲久傾圮乾隆三十八年重修立有碑記記見

高平縣志

卷之五

古蹟

三

文

五音洞在舍利山下唐僧大愚公審音於此洞中嘗聞五音之聲卽華嚴經中三十六字母之始音

風 洞在縣東南十里許山坡一孔風生出恒三日入恒三日邑令楊子噐恐駭俗埋塞之今以龍神覆其上黑龍洞在朗公山下深數百步中有寒泉冷侵人骨旱則禱雨於此

水利 橋梁

自元圭載錫河濱安流生民之利賴宏矣疏決排注相其高卑量其緩急經畫得宜凡此波臣胥資沾益願西

北水源多藏山谷澗澗常蓄止蕩均之法必有難焉者苟無治入民奚被澤高平山水險澗導引疏防昔人行有成效引而伸之當非紙上陳言若乃地無舟楫駕壑成梁以濟不通司理所掌亦川澤之事也爰志水利橋梁附焉

水利

舊志長河在縣東北南流入丹水可資灌溉

高平元七年屯留令明濟假領高平引丹水遶城臨河植柳建亭並立水神祠武少儀爲文記之

張四維河內縣河渠記沁水自太行南出由枋口而東會

高平縣志

卷之五

水利

十四

堯王泉水又東丹水注之沁水溉田蓋久其易枋口以石門則自魏典農中郎將司馬孚始後一見於河陽節度使溫造嘗奏開懷州古秦渠枋口堰溉濟源河內溫武陟四縣田五千餘頃再見於元懷孟路總管潭澄令其鑿唐溫渠溉田然皆沁水也其鑿丹河以利民不知始於何代考郡志所載沁水凡引爲支河者五丹水凡引爲支河者十陸慶丁卯懷守文安紀大夫誠開創渠河六在沁水曰通濟河曰廣惠北河南河在丹水曰康濟河曰普濟河又引堯王泉爲惠民河此可徵丹沁二河之利

宋之蕃唐安鎮石堤記高平水源發空倉山者滙爲大河  
經唐安鎮之南夙苦漲溢義民陳鸞創石堤患少紓頤  
堤僅四十丈歲久齧蝕馮公春卽陳堤擴之長八十餘  
丈高濶咸倍於昔堅固有加自萬歷庚寅迄今二十年  
而河水屢發竟不能爲患

郭公堤在縣城北元尹郭質築故名柳公堤明知縣柳豸  
築

縣城逼西山時有水患明知縣劉大實築堤以禦而水泛  
土潰居民憂之萬歷元年知縣李楨鑿壕引水由南之  
東抵龍曲村會入丹河

高平縣志

卷之五

水利

五

范公堤順治十一年知縣范繩祖築

丹河石堤雍正五年知縣甘士瑛築高一十八尺長六百  
尺有碑記

橋梁

集賢橋在縣治前順治十年邑人張鑒建知縣范繩祖重  
脩

浮雲橋在縣東關外今改名迎恩橋萬歷三十八年知縣  
許安遇創建邑令洪聲選任大僚韋炳相繼重修夏月  
水漲三就三圮行旅憂之今廢

德公橋在縣南關外順治十五年知縣范繩祖建橋北又

向石路直抵南關

浚水橋在縣南關外明邑令李楨建有碑記

橫澗橋在縣南三里相傳楊道人建橋北路陡險雨淮溢

院張翮甃石成路龐太樸碑記

橫澗垂虹  
八景之一

走金橋在縣南十五里喬村驛驛丞金建

通濟橋在縣南二十里晉豫孔道也明萬歷二十七年邑

民許朝家建歲久傾圮雍正十年知縣胡正履借朝家

孫貴重修邑人牛道遠記

許河橋在縣南二十里水村河

龍溪橋在縣東南三十里龍泉村南

高平縣志

卷之五

橋梁

六

崇正橋在縣西南十里許唐庄梨園村之交萬歷三十八

年知縣許安遇建嗣邑令洪聲遠任大僚相繼修成

迎恩橋在縣西南四十里周纂鎮北

永濟橋在縣東北四十里換馬鎮明弘治四年建

換馬橋在縣東北四十里許換馬鎮北

陵墓 坊表

聞之過廟思以過墓思哀衰草白楊悲風蕭瑟觀茲纍

纍良易悽然况死士隴存名流劍掛松楸鬱鬱華表巍

巍非止腹痛故人亦且封崇千載豈不樵蘇有禁戶守

是嚴也哉三晉為古帝之都高平則炎帝陵寢儼存特



祭歲修中羊勿踐至若名賢碩德風流已往邱隴依然  
魂氣固無所不之精爽自一杯難掩九原可作當不禁  
憑吊低迴也若乃樹表建坊固乖古制而旂常是列鐘  
鼎載銘標此芳徽俾人景仰固亦與殘碑斷碣共示來  
茲矣志陵墓附坊表

### 陵墓

上古炎帝陵在縣北換馬鎮相傳帝嘗五穀於此後人思  
之乃作陵陵後有廟春秋供祀按一統志帝陵在湖廣  
衡州府鄱縣康樂鄉此特其虛塚云

漢陳龜墓在縣東南龍尾里羊虎翁仲尙存

### 高平縣志

#### 卷之五

陵墓

十七

唐二賢墓在縣北長受村二賢文林郎李恪暨姪將仕郎  
李亮墓爲居民杜氏宅弘治中劬地得壙穴銘石知縣  
楊子器奪杜氏地復作墳嘉靖三十九年知縣張鹵復  
新之勒石爲記

上騎都尉李典墓在武鄉村卽今唐安岸潰石銘出存  
里中集鴻砦

宋郎中張維則墓在野川西澤州僉判李之才撰碑

大中大夫張宗古墓在通義南秘書正字秦垣撰碑

李常侍墓在董寨村隴西成紀人福王綰之後五代時  
曾守澤州遂古籍高平

金李文簡公晏墓在城南許安仁撰神道碑

李襄猷公仲畧墓在文簡公墓側

翰林學士知制誥趙可墓在魏庄東舍利山麓

今尚有二翁仲

武寧軍節度使張師穎墓在玉井西刺史侯大中撰表

濮州刺史張國綱墓在南陳里

狀元陳載墓在馬村西明萬歷間裔孫陳陞立碑

元廉訪使宋翼墓在高良西學士歐陽元誌

明孝子王敬墓在金峯山東學士曾鶴齡誌

子太僕寺丞王燧墓附

光州知州郭質墓在長受里

員外贈太僕卿申良墓在建寧鎮翠屏山

### 高平縣志

#### 卷之五

陵墓

六

一 太僕卿趙軌墓在趙庄東

工部右侍郎郭鑿墓在長受里勅建侍郎李璣撰碑

工部左侍郎食尚書俸郭荃墓在長受里勅建

山東僉事馮顛墓在唐安西

陝西副使常存仁墓在縣城北

陝西布政使左叅政蘇民牧墓在古寨北

知府劉崇文墓在龐村西

詹事劉虞夔墓在崇文墓側勅建學士王家屏誌

太常寺卿郭東墓在建寧里勅建禮部侍郎李廷璣誌

渭南知縣贈僉事忠烈楊暄墓在城西北王庄編修李

士淳誌

國朝大理寺卿王邦柱墓在唐安東禮部尚書胡世安誌  
一刑部右侍郎加尚書服俸李藻墓在龍從山麓大學士

馮銓誌

贈通議大夫兵部右侍郎李向春墓在城北里側卽通  
議大夫李濟慶墓王鐸誌

湖廣布政司舉振姬墓在得義村

兵部右侍郎加光祿大夫李棠馥墓在城北里

湖北巡撫張沂墓在王河村

浙江巡撫田逢吉墓在通儀里宰家壇

高平縣志

卷之五

陵墓

九

進士廣西灌陽縣知縣牛兆捷墓在市王村北

坊表

進士 弘治己未進士王錫

三世甲科 勅封大理寺評事楊昇天順甲申進士楊振

已酉舉人楊恒嘉靖丁酉舉人楊紹先

會魁 嘉靖壬辰會魁郭鋈 大司空 郭鋈

拔俊 嘉靖乙未進士郭鑿 近侍詞臣 郭鑿

司徒大夫 戶部郎中郭鑿

鳴岡三鳳 進士郭鋈郭鑿郭鑿

大諫議 禮科給事中趙軌

金榜傳芳 嘉靖丁未進士張雲路 擢永 張雲路

杏苑鸞遷 嘉靖丁未進士劉崇文

功靖海版 劉崇文

蜚英甲第 嘉靖庚戌進士牛輓

獻書論秀 嘉靖丙辰進士郭東

曲江並駕 嘉靖乙丑進士蘇民牧常存仁

龍章申錫 蘇寶蘇民牧

勅褒諫垣 勅封禮科給事中趙科

蔡閣宏儒 翰林院檢討劉虞夔 龍樓匡翼 劉虞夔

東朝元佐 補袞儒宗 蓬山鰲冠 俱劉虞夔

高平縣志 卷之五 坊表

恩湛瓊林 萬歷丁丑進士陳燦

奕葉重光 戶部郎中馮裕僉事馮顛知縣馮春文選司

主事馮養志

雙桂 舉人蘇翥等

京闈進士 順天舉人尙志

五美 都運使畢璽

鴻漸雲衢 嘉靖戊子舉人牛輓

蛟騰滄海 嘉靖戊子舉人郭長

尙賓 嘉靖辛卯舉人邢校

崇賢 嘉靖辛卯舉人郭鑾

經元 嘉靖丁酉經魁楊紹先

亞魁 嘉靖丁酉亞魁張雲路

傳芳 嘉靖丁酉舉人申去疾

文顯 嘉靖丁酉舉人閔承光

龍躍春津 嘉靖庚子舉人邢璉

乾坤正氣 貞烈周氏 舊志所載未必盡存姑標列之以示來者

按山有定形水無恒軌三代而後紀著之家牴牾不  
少非緣考據未精良由形勢有變淵源固在盛衰消  
長既已不齊衝徙墊淤支流分合亦靡常所援古証  
今未能盡合因來詔往恐証後人綜其大勢約畧銓

高平縣志

卷之五

坊表

三

註亦與流傳古蹟存此情形而已至水為大利六府  
首修而利與害因人事雖有興除造物有時難定山  
川猶是良費盱衡也噫嘻人往風微古墓犁為田矣  
風水蒼茫所可考者亦同陳迹附載可稽並坊表列  
諸山水之末